

# INUIT ATAQATIGIIT INATSISARTUNI



18. August 2023

UKA2023/48

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

**Illersornissamut isumaqatigiissutip 1951-imeersup, tassungalu ilassutitut isumaqatigiissutaasut, Inuiaqatigiit aningaasaqarniarnerannut, , suliffissaqartitsiniarnikkut ilinniartitaanikkullu , inuiaqatigiinnut iluaqutaajuarnissaat qulakkeerniarumallugu Naalakkersuisut naalagaaffiup oqartussaasuinut isumaqatigiissutip nalilersoqqinneqarnissaa siunertaralugu saaffiginneqqullugit peqquneqarnissaannik Inatsisartut aalajangiiffigisassaattut siunnersuut.**

(Inatsiasartunut ilaasortaq, Mariane Paviasen, Inuit Ataqatigiit)

## **Tungavilersuut:**

Naluneqanngitsutut Pituffiup sakkutooqarfittut atorneqarnissaanut isumaqatigiissut 1951-imi isumaqatigiissutaavoq.

Taamani uagut maani Nunatsinni oqartussaaffeqanngilagut isumaqatigiissullu Danskit Naalagaaffiata USA-llu akunnerminni isumaqatigiissusiarat.

Maanna pissutsit allanngornikooqaat. 1953-imi naalagaaffiup ilaattut isigineqalerpugut malugalugulu Pituffik pillugu isumaqatigiissut sulii naalagaaffiup ilaattut inissinneqanngitsiarnitsinni isumaqatigiissutaasimammat.

Maannalu oqartussaassuseqarnerulernikuulluta minnerunngitsumillu namminiilivinnissap tungaanut sulitilluta pissusissamisoorsoraara Naalakkersuisut Danskit Naalagaaffiannut saaffiginninnermikkut Pituffimmut tunngatillugu isumaqatigiissut, tassungalu ilassutitut isumaqatigiissutaasut, uatsinnut iluaqutaanerpaaffimminiinnissaa qulakkeerniarumallugu sulissutigisagaat.

Namminiileriartornitsinni anguniagassat pingaaruteqarluinnartut ilagaat nunatut aningaasarsiornikkut imminut napatinnerulernissarput minnerunngitsumillu sulinikkut ilinniartitaanikkullu piginnaanngorsarnissarput. Ullutsinni Pituffiup atorneqarnera ilinniarfigisinnaasarpassuatsinnik peqartoq

# INUIT ATAQATIGIIT INATSISARTUNI



nalunangilaq aamma ukiorpanni Pituffiup atorneqarnerata annerusumik Nunatsinnut iluaqutaanissaa eqqartorneqartuarpoq.

Isumaqarpugut Naalaakkersuisut naalagaaffimmut saaffiginninnikkut Pituffik pillugu isumaqatigiissut, tassungalu atatillugit ilassutitut isumaqatigiissutaasut, uatsinnut iluaqutaanerpaaffianiinnissaanik qulakkeerinnikkumallutik sulinerminni ikiorneqarluarnissartik anguniassagaat. Taamaaliornikkut Nunatsinni innuttaasut piginnaasatigut ineriartornikkut aningaasaqarnikkullu Pituffimmik iluaquteqarnerulernissaat qulakkeernissaa namminerlu ilisimasagut kissaatigullu aallaavigalugit toqqaannarnerusumik aalajangersaaqataasinnaalernissarput neriutigaara.

Uagununa Nunarput oqartussaaffipput aammalu siunissap qanoq ittuunissaannik ilusilersuiffissarput. Isumaqatigiissutit Nunatsinnut pitsaanerpaamik sunniuteqarnissaat suliaralugit aallartittariaqarpagut.

Partiit isumaat tusassallugu qilanaarpugut, Qujanaq.

## **Pisortanut aningaasatigut allaffissornikkullu kingunerisassai:**

AC fuldmægtigt marluk ukioq ataaseq suligasuarnissaat 1.mill. kr-ninik akeqartussaq sipporneqarnaviangitsoq naatsorsuutigineqassaaq

## **Namminersortunut aningaasatigut allaffissornikkullu kingunerisassai:**

Soqanngilaq.

## **Innuttaasunut aningaasatigut allaffissornikkullu kingunerisassai:**

Soqanngilaq.